

恩憐終日閑相逐 告吾兄聽吾囑莫慮兒孫自有兒孫祿願
早灰心明性燭占取清閑修取將來福

鄂縣晏公惠麵

晏先生惠我麪親做庖人妙手捋和軟細細搓來成玉線致在
鍋中水火同烹鍊 覺馨香成美饌四箇平分各各無深淺欲
要充饑須九轉飽後雲遊處處行方便

風發

害風王扶風馬各做心風緣把家緣捨吟詠清風明月下風裏
尋風搜得真風雅 順風行隨風耍處處風傳結正風無價掌
握風颺持玉翠馳騁風流共把風雲跨

道藏輯要

漸悟集

畢

胃集七
川人

自戒

不慳貪不諂詐不憶家緣不說鄉中話不著世情不著假不做
詩詞不敢言行化 志彌高心轉下雲水清閑內養丹無價樂
在其中欣欣耍姓氏人詢倦應扶風馬

又

遇風仙心開悟人我心無無愛無憎妬一切女男同父母三教
門人盡是予師父 好清閑喜歌舞晝乞殘餘夜宿悲田所上
下中丹常密護九轉功成蓬島通雲路

在南京乞化

穿茶房入酒店後巷前街日日常遊遍只爲饑寒仍未免度日

隨緣展手心無倦 願人人懷吉善捨一文錢亦是行方便休
笑山侗無識見內養靈明自有長生驗

贈李哥緣再要出家

李先生難捨俗出去還來壞了崑山玉覆水重收絃斷續一事
無成惹得空撈漉 悔前非明性燭火滅煙消心上休懷毒欲
與馬風閑廝逐直待年深看透伊心腹

勸李哥

羊兒皮虎兒質害物心機晝夜無寧息雖惡肯將兒子食休逞
威風真性宜調習 親非親識非識雲水清閑內外常遊歷日
用三食憑乞食滅盡無明便是波羅密

道藏輯要

漸悟集

哭

胃集七
川八十一

鄉中上街求乞

捨家緣須用斧劈碎恩山豈肯重修補猛烈灰心尋出路自在
逍遙認箇清閑處 有因緣方可悟改變衣裝道服惟麻布莫
訝鄉中求乞去滅盡無明直上青霄步

和師韻

清淨門柔弱戶忍辱家風樸實爲公據無作無爲成活路自在
逍遙雲水通行步 絕聰明効愚魯兀兀騰騰不起閑思慮面
垢頭蓬身糞土萬事俱忘堪應三清舉

李公實索慵軒詞

不梳頭不洗面餒在其中喫飯心懷倦無病閑眠身懶轉有客